

# 吕祖说三世因果经

吕祖说三世因果经

赞

莫大神通·全在忠孝·利己利人·千秋大道·自古至 今·因缘非渺·信笔描成·当前写照·

又

一剑横秋·清风两袖·道在函三·丹成转九·苍梧北海·白云帝乡·甘河一滴·源远流长·

孚佑帝君三世因果序

- [经文](#)

# 经文

## 吕祖说三世因果经

孚佑帝君自序

圣贤君子、善人学士、得以传于后世者，殷殷至意：愆尤必晰，恶念悉化，遂纯纯然进于无垢之域！

臣自唐朝，隐居终南山六年，递相洗涤，神自邈然。介介不苟，愿以乱转为治，得与斯世共登于仁寿，厚望已矣，敢留贤达之名以致庸夫俗子贻诮于来兹？第诸生求序《三世因果说》，遂为说曰：

天之生人也，因材而笃，非“栽者培而倾者覆”也。盖由人之自取耳：恶由自召，善由身积。人人各勉于自新，勿得怠惰自安。有勉之者，吾将收入于门下；安之者，吾将摈斥于墙外。人倘将私心恶念鸩然自废，久久自获吉庆。彼成仙、成佛、成圣、成贤，无非自片念中化来，从方寸内养出。恶人宜改，善士宜励。得修仙者在此善，得成佛者在此善，得学圣者在此善，得希贤者在此善，得欲修来世者亦在此善。

善，善，善，不得自玩；恶，恶，恶，焉能苟安？有志者：勉之，勉之！是为序。

壬寅年书于记记坛。

逐日阅览者，吾定护佑于天府。望众人如此其切，如此其殷也夫！

回道人题

原序

从来天之生物也，每因材而笃。栽者培，倾者覆。天非有私意于其间，亦任人之自为荣枯耳。故修德则日进于高明；作恶则日流于污下，甚至偃蹇终身。呼天号泣而莫知其由者，曷可胜道哉？

昔只园氏悯念众生沉迷，作《因果经》以教世，盖欲人人回头，咸登彼岸，种此善因，皆成正果。即吾儒所谓“贤达者流”也。奈世人不察，自甘堕落，深投苦海，迨至仰首望救，呼吁无门，不亦晚乎？

又或目为老生常谈，谓：“世间岂有因果之事？”吁！彼亦曾将世间人如某某者因何富贵、某某者因何贫贱、某某者因何受福、某某者因何受苦，一一推论而比诘欤？

昔人云：“诸恶莫作，众善奉行”。三岁孩儿都晓得，八十老人行不得！此因果之说，所为急宜讲也。

予适降游锦里，闻诸生互相砥砺，常以“功过格”自考，此真修身之要，进德之基，亦造福立命之原也。一日，诸生咸以《纯阳因果说》一册来坛请序于予，披览之余，觉言可为经，语皆足法，说世间事，悉透彻无遗。既浅显堪听，复精确不磨。每说一因，觉老姬可解，稚子皆知。真不啻暮鼓晨钟，发人深省也已。

此书一出，将见人人种此善因，人人获此善果；人人戒此恶因，人人远此恶果也。予能不厚望之哉？为论诸生，急宜付梓，以醒斯世，其为功也溥矣。

九天开化七曲文昌梓潼帝君桂香阁左班掌案书仙 红那居士序。

时嘉庆己卯岁 四月八日 鸾书

三世因果说

世间难得是人身，位列三才具五行。

为圣为贤须在己，成仙成佛总由人。

存心不可欺天地，举念还当畏鬼神。

急急修来毋自怠，轮回六道叹沉沦。

话说东海有一岛，曰蓬莱。其中琼楼玉阙，瑶草琪花，迥非人间所有，乃神仙所居之地。内有一神仙乃太微仙君纯阳祖师，姓吕名岩，字洞宾，道号纯阳。本唐时礼部侍郎吕渭相国之孙。咸通中举孝廉，尝应进士游长安，值黄巢乱，隐居

终南山，后遇钟离祖师授以度世法，丹成跨鹤上升引见玉帝，敕封：“玉清内相金阙选仙警化孚佑帝君兴行妙道天尊”。为诸仙首领，委行飞鸾显化人间，救度众生，指示群迷。凡夙世积有善根者俱准收录门下。

一日，众弟子等虔设法筵，礼请祖师降坛，叩问前生今世一切因果。祖师喻曰：

“《玄天上帝金科玉律》有云：‘欲知前世因果，今生受者之身；欲知后世因果，今生作者之心。’四语已尽。又佛说：‘一切福田，不离方寸’。可见转移造化，只在人之一心耳。成仙成佛是此心，为圣为贤是此心，披毛戴角亦是此心。世间愚夫愚妇，不识前世因果，迷却本性，以致堕入劫中，深为可悯。吾兹大发慈悲，广为演说，词虽俚浅，义辄通晓。亦以点破凡尘，使知自微云尔。”

于是说曰：

今人不知前世因，听我宣说因果文。

若是前生修积好，今生受享诚非轻。

若是今生修积好，依然受享到来生。

惟愿大众齐听得，洗涤凡根见圣心。

尔时祖师告众曰：“今人高官显爵，位列朝廷，上耀祖宗，下荣妻子，愚人皆以为命运所致，正不知其前世能尊孝道，故今世受享若是。盖修积之途虽广，终当以孝为先也。”于是说曰：

高官显爵为何因，只为前生有孝心。

事事只求亲喜悦，婉容和气对双亲。

佳肴美味都供养，好衣华服奉亲身。

早晚二时常问候，凡事禀命然后行。

亲若有病在床榻，侍奉汤药每殷勤。

亲若恼怒来责备，低头顺受不高声。

亲若有意施功德，欢喜赞助积来因。

亲若与人要争讼，苦口劝解莫去行。

亲若有事多忧闷，婉言安慰莫焦心。

亲于兄弟有偏爱，让财让产不忍争。

亲于族党欲周给，银钱不吝半毫分。

亲若有时拖了债，代还补欠甚分明。

亲若行事多乖僻，从容感化劝回心。

事事顺亲真个孝，故尔今生作贵人。

若是今生仍尽孝，来生依旧享恩荣。

尔时众弟子等进曰：“凡前世有不孝者，来世受报何如？”祖师告曰：“前世不孝，即有儿孙忤逆之报，原不俟来世也。然究之转生来世，亦仍受忤逆之报，莫能脱逃。此等前因，愚人皆未深知。”于是说曰：

儿孙忤逆为何因，只为前生少孝心。

父母教训都不听，恶声厉色对双亲。

美味买来私自食，好衣付与妻子身。

亲老不顾出门去，银钱不寄半毫分。

若是双亲来责怒，敢将言语触亲心。

有等家贫身懒惰，冻饿父母好伤情。

有等供养轮流转，多了一日便生嗔。

有等兄弟不和顺，吵得父母不安宁。

有等听信妻妾语，违背父母乱胡行。

有等外面假承顺，其实视亲若路人。

有等亲病都不问，推言老病久呻吟。

亲死丧葬都草率，何曾哀伤发真心。

前生不孝皆现报，今生仍受忤逆因。

儿孙不孝非无故，总为忘了养育恩。

你若今生能尽孝，自有儿孙孝你身。

尔时众弟子等进曰：“世人身享豪富，其前生果修何因，始能至此？”祖师告曰：“欲得大富当勤施济。盖种麻得麻，种豆得豆，此是定理。今人身享豪富，乃前世从施济中来也。”于是说曰：

身享豪富为何因，只为前生肯济人。

或将钱米施贫户，或将被袄救穷亲。

或遇婚嫁频帮助，或遇丧葬每留心。

或施棺槨行好事，或施坟地与贫人。

或施茶饭免饥渴，或施方药救呻吟。

或造桥梁济人过，或修要路与人行。

或施田亩兴义学，或修庙宇妥神灵。

或编善书来劝世，或平斗斛赈乡邻。

或造河船济人渡，或于夜路点明灯。

或立石碑指迷路，或借雨伞悯淋人。

时时行的是方便，种种修的是善因。

前生施了多和少，故尔今生报在身。

库有金银仓有粟，一生享富过光阴。

尔时众弟子等问曰：“世人有为善不昌者，此是何因？”祖师告曰：“为善不昌，乃是前生恶业太多，必待恶业消尽，方得发达。但愚人迷失性真，不知前世所积恶业，所以今生来世，身受贫苦，无有已时也。”于是说曰：

身受贫苦为何因，都是前生吝啬人。

穷民哀告终不应，亲朋借贷不应承。

造桥砌路与修庙，从来不肯破分文。

只图做个自了汉，哪知积德种来因？

有的银钱多刻剥，佃户田租利不轻。

有的不念佣工苦，要他身上扣几分。  
有的家人抛五谷，残饭 零米 弃埃尘。  
有的盘债心险毒，利上加利过三分。  
有的斗秤用两样，买卖奸巧忒欺心。  
有的假神来赛会，聚众烧香敛钱文。  
有的作为心不善，惯将秽食喂穷人。  
有的平人一古坟，弃骸占地罪非轻。  
前生作孽天不赦，罚令今生受苦贫。  
若要来生好结果，须行方便种善因。

尔时众弟子等问曰：“世人有累代科名，相延不绝者，此是积何因果？”祖师告曰：“此由前世不淫，故能登大魁、致显位、荣宗祖、福子孙，书香不绝如此。如若今世有人坚守贞操，不犯淫欲，不惟现世获福，亦且余庆及于来世矣。”于是说曰：

累代科名为何因，只为前生不犯淫。  
人家有女虽妖艳，并无一念起淫心。  
年纪稍长视为姊，年纪稍幼当妹身。  
花颜玉貌非吾偶，恐他名节玷终身。  
一恐自己损阴鹭，二恐惊动天上神。  
三恐报应来得快，不敢苟且犯邪淫。  
有时遇著谈闺阃，正言正色戒他人。  
有时遇著途中女，不敢轻浮看她身。  
有时遇著干姐妹，不许来往说私情。  
有时遇著表姐妹，不许相见笑盈盈。  
有时遇见婢和嫂，不许同坐并同行。  
有时遇著甥女辈，端严守礼不交亲。  
有时遇著邪书画，即时搜检付火焚。  
有时遇著淫朋友，不许同窗共结盟。  
存心正直天知道，故尔今生显科名。  
大众今且齐听着，再表古时不淫人：  
唐时有个狄仁杰，生平正直性聪明。  
一夜有女来就枕，和衣不解到五更。  
后来及第为宰相，子孙显贵在朝廷。  
江西有个少年士，他的姓名叫罗伦。  
夜深读书在楼上，有女来奔近他身。

罗伦将她哄回去，后来状元第一名。

余干有个陈医士，曾治一人家甚贫。

夜间有妇来陪宿，聊报陈医活命恩。

陈医只是说不可，连声不可到天明。

后来一子赴乡试，名登虎榜第一名。

累代儿孙都显贵，更留阴德到来生。

今人若是将淫戒，生生世世享科名。

尔时众弟子等进曰：“凡人世间有犯淫者，来世当受何报？”祖师告曰：“《阴律》云：奸人妻者，得子孙淫佚报；奸人室女者，得绝嗣报，死后永入无间地狱，受诸苦恼，无有出期也。”于是说曰：

妻子淫乱为何因，只为前生每好淫。

身后绝嗣为何因，亦为生前犯了淫。

有等调戏良家女，坏人名节误终身。

有等设计来哄宿，奸人妇女罪非轻。

有等路途看妇女，朝思暮想起淫心。

有等藏得春官画，妇女见了不禁情。

有等当场点邪戏，妇女看了照样行。

有等爱唱妖艳曲，妇女听了动春心。

有等污坏丫环女，逞势强奸太忍心。

有等放荡无行止，鸡奸幼童罪不轻。

此等恶业人不晓，怒触阴曹众鬼神。

只待阳间恶贯满，阴司拿去问罪名。

罚在地狱受诸苦，五百劫满方脱生。

变骡变马披鞍走，罪业满后方为人。

虽然复得人身转，为娼为优被人淫。

奸了尼僧并寡妇，罚在地狱难超生。

教他受苦八百劫，八百劫满方脱生。

变猪变羊供宰杀，罪业满后乃为人。

虽然复得人身转，为瞎为哑成废人。

乱了姨母罪尤重，盗了姑婢罪非轻。

罚在地狱受诸苦，刀山剑树好惊人。

受尽一千五百劫，变鸡变犬失人形。

再历一千五百劫，罪业满后乃为人。

虽然复得人身转，胎前产后丧残生。  
更有造作淫书卖，坏人心术罪尤深。  
若有翻刻图财利，阴府油锅不顺情。  
罚在地狱受诸苦，千磨万劫难超生。  
直待阳间书灭尽，变蛇变鼠受转轮。  
诸般苦恼俱受尽，方令鬼国去投生。  
卧雪餐风皮惨裂，岩居穴处兽同群。  
天上三光不得见，昏昏默默度无门。  
看此惨报我亦哭，世人何苦犯奸淫。  
我今大发慈悲念，特说因果度众生。  
众生若有未曾犯，刻刻提防要小心。  
若是有人曾犯过，即时改悔莫因循。  
速速勉行阴鹭事，免得受苦到来生。

尔时众弟子等进曰：“凡人有儿孙贤孝者，彼前世何修至此？”祖师告曰：“儿孙贤孝，皆因前世有恩德及人故也。”于是说曰：

儿孙贤孝为何因，只为前生肯济人。  
或是恼人遭水火，或是恼人犯官刑。  
或是恼人被盗贼，或是恼人染时瘟。  
或是恼人被债逼，或是恼人相斗争。  
或恼孤儿无依靠，或恼孀妇守青灯。  
所见患难俱不一，心常惻惻动哀矜。  
富者出钱相帮助，贫者出力解纷纭。  
或是好言来劝释，或是设法济危倾。  
或是焚券完骨肉，或是仗义保命根。  
他人受过这恩德，所以来世就投生。  
也有读书勤奋志，登科及第显亲名。  
也有耕田苦效力，仓箱积久应丰盈。  
也有经商成大业，堆金积玉把家兴。  
一堂济济无限乐，兰桂齐芳世世荣。  
到得百年辞世后，送老归山展墓茔。  
前生待得他人好，今生故做你儿孙。  
此事分明容易晓，何不早早修来因？

尔时众弟子等问曰：“世有不肖子孙，往往倾家荡产，玷辱祖宗，貽累后人，此何因欤？”祖师告曰：“此亦前世宿业，世人有莫知其所以然者。”于是说曰：

儿孙荡产为何因，只为前生哄骗人。

借他银钱就图赖，不肯还他半毫分。

赊他货物就拖欠，短人本利实亏心。

捡得银两不还给，害他自己把命倾。

许人银两多负约，令他望得好伤情。

使的假银将他骗，令他气死赴幽冥。

谋他房屋设奸计，入了圈套不知音。

占他田地与词讼，结下冤业到于今。

诱他嫖赌入迷阵，致使家业两离分。

大斗小秤将他赚，出轻入重不公平。

小事唆他去告状，于中取利丧良心。

盘他利息年年重，准折田地把家倾。

图他所有稍不遂，卖盗扳赃实害人。

万般恶业由你做，上苍报应不差分。

前生你既将他骗，今生讨债不容情。

背地大嫖兼大赌，田房白白送与人。

讨完宿债身才死，又绝你家后代根。

世人急须早看破，多积阴德莫亏心。

尔时众弟子等进曰：“今人寿长，前世果修何因乃至于此？”祖师告曰：“欲得长寿先须戒杀。今人寿长，盖自前世不杀生也。”于是说曰：

今人长寿为何因，只为前世不杀生。

鸡猪鹅鸭虽异类，尽知怕死与贪生。

牛羊犬马虽畜物，临死悲哀不忍闻。

鱼鳖虾蟹原非补，食之未必果肥人。

不如饶他性命罢，何苦一定要杀生？

世间尽有珍馐味，燕窝海菜不计名。

纵然佳节要祭祀，水果菜蔬亦芳馨。

惟有仁人能爱物，随时买物放它生。

更且往来路途上，低头举步每留心。

一切虫蚁怕伤害，存心到处寓慈仁。

坟前祭祀烧钱纸，常用瓦盆慢慢焚。



前生积了这阴德，苍天默佑断非轻。

注他长寿身康健，赐他福禄及子孙。

今人若肯遵吾说，来生依旧享遐龄。

尔时众弟子等进曰：“今人寿短，岂尽由前世杀生之故欤？”祖师告曰：“凡人奸盗诈伪以及口头轻薄，皆能促寿。至于杀生，尤犯天怒，罚令寿短，不足以尽其辜也。”于是说曰：

今人寿短为何因，只为前生好杀生。

有等覆巢将物取，有等填穴把命坑。

有等杀龟熬汁用，有等打蛇实忍心。

有等网鱼恣口腹，有等烹鱉极非刑。

有等割胎充美味，有等放火烧山林。

有等宰牛施苦楚，有等屠犬以营生。

种种恶业难尽说，种种恶报不差分。

与你黄金千百两，可肯将皮割与人？

我见地狱号冤者，森罗殿上诉分明。

冥司大怒来判断，罚令短命在今生。

更许冤魂相报复，来世为人杀他身。

自古一命还一报，阴府何曾放过人？

世间男女齐听着，急须戒杀莫伤生。

尔时众弟子等问曰：“今人有疾病颠连，终身困苦者，未知前世何因至此？”祖师告曰：“平常疾病，或有可愈，若患至积年累月，困苦不堪，皆因前世亵慢神明，宿谴所致也。”于是说曰：

今生疾病为何因，只为前生不敬神。

天地位前无香火，祖先堂上无炉熏。

神明诞日不斋戒，有事祈禳敢吃荤。

每逢朔望行烹宰，动辄清晨发怨声。

每日贪眠不早起，种种邪念扰心神。

北方乃是至尊位，对着遗尿罪非轻。

家中还有司命主，晦日奏事上天庭。

家人无知犯忌讳，嬉笑哭歌兼怒声。

龕下灰火不洁净，何故烧香祀众神？

夜间乱指飞星过，无端久视日月明。

对北与人常恶骂，许愿无辜宰畜牲。

任意呵风并骂雨，引神作证举誓盟。

夜起袒胸兼露体，吃烟无火向神灯。

醉酒颠狂入圣庙，偶观塑像起邪心。  
种种不敬神明怒，今生罚作受苦人。  
或令手足俱瘫软，或令疮毒烂同身。  
此等皆因前世积，故尔受谴在今生。  
我今——来点破，世人改悔莫因循。

尔时众弟子等问曰：“今人有生平无甚阴德，竟能诸事如意，长享康宁之福者，此人前世果修何因欤？”祖师于是说曰：

今人享福为何因，只为前生肯敬人。  
遇著年老常尊敬，礼貌周旋心最真。  
遇著平等惟让齿，不敢骄傲自称尊。  
遇著破衣亲与友，恭敬款待送出门。  
更且度量能宽大，生平容恕多少人。  
人有恶语来相犯，耐心忍受过光阴。  
人以它事来苛责，并无一毫计较情。  
遇有欺我骂我辈，让他怕他不与争。  
人所难忍独能忍，人所难平独能平。  
处世谦和惟忍让，从无一字入公门。  
天意怜他吃亏久，故令享福到今生。  
家门清吉多和顺，天上吉星每照临。  
上有父母身康健，下有儿孙读与耕。  
内庭每得贤妻助，外有宾朋互奉承。  
栽花种竹随所好，饮酒赋诗乐处存。  
观书玩月胸无事，走马乘般梦不惊。  
更兼身体全无病，日富日寿日康宁。  
此等皆因前世积，世人何不细思寻？

尔时众弟子等问曰：“今人有无故折尽平生之福者，此何因欤？”祖师告曰：“凡人所为，苟有虚诬妄谬，皆能折福，惟是一念方起，一言初出，有将一生之福折尽者，不可不戒。”于是说曰：

今生折福为何因，只为前生恶念深。  
见他荣贵愿他贬，见他富有起妒心。  
见他丑陋将他笑，见他失误说他昏。  
见他才能将他抑，见他色美起私心。  
负他货财愿他死，见他作善阻他行。  
与人无故反追悔，施人有意望报恩。

外貌虽慈心刻毒，口说虽是心不仁。  
交游诡诈欺朋友，礼仪苟简慢师尊。  
些微受辱便怀忿，于求不遂咒恨生。  
自知有过偏不改，自知悖理却要行。  
贪念妒念褊急念，淫心盗心杀害心。  
种种恶意方才起，鬼神早已注分明。  
黑业簿中阴恶满，削尽禄寿与科名。  
只因前世心不善，故令折福在今生。  
世间一切由心造，可知防意如防城。

尔时众弟子等进曰：“今人有一生聪明，得享福慧者，其前世积何因欤？”祖师告曰：“此由敬惜字纸之报也。若再积有它途功德，以之悟道成真不难矣。”于是说曰：

聪明慧悟为何因，只为前生重斯文。  
圣贤言语都钦敬，仙佛经文宝若珍。  
一切字纸都爱惜，诸般典籍仔细存。  
茅房粉壁不书字，靴鞋里面不留名。  
碗盏器物不镌号，板凳坐几不题名。  
钱封化后随收拾，路途字纸捡炉焚。  
遗灰不敢轻抛弃，收埋净土每留心。  
不肯与人写骗约，不肯代人写离婚。  
或修字库收遗纸，或编字笼送与人。  
以此得重斯文报，今生儒雅又聪明。  
上通天文下地理，前知古人后知今。  
若再积有它功德，何难悟道竟成真？

尔时众弟子等问曰：“今人有愚痴蠢钝者，其前世又何因欤？”祖师告曰：“是即轻慢斯文，褻秽字纸之报也。”于是说曰：

愚痴蠢钝为何因，只为前生慢斯文。  
圣贤言语都毁谤，仙佛经忏敢相轻。  
有时读后随抛弃，有时秽手乱翻经。  
点火吃烟宜减寿，搓条作捻罪难名。  
扇上题诗藏袜内，途中遗字委埃尘。  
枕头用书太慢褻，口嚼文稿欠聪明。  
前生如此不尊重，故尔今生不识文。  
要认一字认不得，要写一字写不能。

任尔家业夸豪富，独如瞽者黑夜行。

此是不重斯文报，各人早早修来因。

尔时众弟子等问曰：“今人有瞎眼者，前世又何因欤？”祖师告曰：“此较愚痴蠢钝之人罪业尤重，盖前世别无它功德，所以受报最惨也。”于是说曰：

今生瞎眼为何因，只为前生获罪深。

或是私作还魂纸，收买字纸再造成。

或将字纸抛入粪，污秽之罪实非轻。

或是离婚写凭约，手印脚印惊天神。

或遇行人来问路，东西乱指误前程。

或将瓦石堆路口，夜间跌坏众行人。

或做人牙惯图利，好女套来配歹人。

或是误荐一匪类，令人被害把家倾。

或是暗夜行偷盗，妆扮奇形吓吓人。

或是欺人眼盲瞎，故将粪虫与他并。

如此等罪真难恕，罚令眼瞎到今生。

寄语世人须猛省，各自早早修来因。

尔时众弟子等问曰：“今人有口哑不能言者，是何因欤？”祖师告曰：“世人口哑，即是前生口业太重也。”于是说曰：

今人口哑为何因，只为前生乱说人。

人有过失何关己，偏要背后诋毁人。

人有宿怨宜和解，偏要两舌离间人。

或是笑人体相缺，或是造人一混名。

或是口出尖酸语，或是恶语犯贫亲。

或是喜问人长短，或是造谤毁平人。

或是好谈淫赌趣，或是拆散人婚姻。

或是戏谑诸前辈，或是冷语讥刺人。

或是开口乱赌咒，或是说谎误他人。

或是好扬闺丑事，或是平空诬陷人。

前生口业无边重，今生受报自非轻。

口里要说说不出，天罚为哑岂容情？

世人言语须检点，各宜早早修来因。

尔时众弟子又问曰：“今人有平生无大过恶，竟至穷年潦倒，终身蹭蹬者，此前世何因欤？”祖师告曰：“世人虽平生无大过恶，然由前世积孽太重，以故今世谋为不遂，所往辄穷也。”于是说曰：

今人潦倒为何因，只为前生侮慢人。

或是前生本秀士，矜夸自己会做文。  
或是前生本富户，恃财反笑读书贫。  
或是前生本乡宦，自矜名节不顾人。  
或是前生本医士，方脉指下不分明。  
或是前生本地理，龙穴砂水认不清。  
或是前生本宿学，改错文字误学生。  
或是前生贪色欲，灯前月下肆行淫。  
或是前生滋口业，随风讪笑谑他人。  
或是前生多宠妾，压良为贱误终身。  
前生作业遭天谴，今生潦倒一无成。  
有意敬人人不答，有心开口众莫听。  
有志求名名不遂，有时谋利利不亨。  
终身蹭蹬非无故，都是前生所积因。  
若能悔悟行诸善，自能感格上苍心。

尔时众弟子等进曰：“今人有无辜受刑，死于非命者，此前世何因欤？”祖师告曰：“此即前世两家冤业，彼此转相报复故也。”于是说曰：

今生被屈为何因，只为前生害过人。  
前生妄写离婚纸，今生被杖受官刑。  
前生告状将人陷，今生受法在公庭。  
前生刀笔将人杀，今生问罪受斩刑。  
前生造毒将人害，今生犯罪定非轻。  
前生昧己作干证，今生受罪在衙门。  
前生醉酒将人骂，今生受辱在刑厅。  
前生作吏将人吓，今生受屈死无名。  
前生动手将人打，今生无故受枉刑。  
前生当众斥人过，今生受侮被人轻。  
前生用药将胎下，今生儿女结冤深。  
前生索债逼人命，今生被盜攀同群。  
前生吓诈图财宝，今生祸从天上临。  
前生移尸把人害，今生闯见躲无门。  
冤冤相报无休息，两家结冤总难分。  
世人凡事须忍耐，莫结冤业到来生。

尔时众弟子等问曰：“凡人有暮年无子者，未知前世何因？”祖师告曰：“人至暮年无子，亦是前生恶业。苟能及时悔过迁善，尚可以挽回天心，若悠悠忽忽则无济矣。”于是说曰：

暮年无子为何因，只为前生不认人。

同姓宗族都不顾，忘了先祖一脉根。

异姓亲朋都不问，忘了礼义罔为人。

人有恩德不图报，忘了当初厚待恩。

人有急难不知救，忘了恻隐一段情。

只晓穿衣自吃饭，只知袖手紧闭门。

前世寡情并寡义，谁肯投胎做后人。

有等前生为父母，践踏儿女不聊生。

冥司罚令身无后，祈求子嗣总不灵。

有等前生为家长，虐使奴婢不堪闻。

冥司罚令身无后，终身孤独靠何人。

有等前生为债主，刻求重利不饶人。

冥司罚令身无后，后代香烟谁奉承。

有等前生惟好色，偷香窃玉犯邪淫。

冥司罚令身无后，熊罴兆梦杳无因。

有等前生多置妾，年老误她好青春。

冥司罚令身无后，披麻带孝望谁人。

有等前生覆巢穴，伤坏虫鸟太不仁。

冥司罚令身无后，坟前祭扫属何人。

有等前生多陷恶，堕胎损子射飞禽。

冥司罚令身无后，门祚衰微少后人。

今世不晓前生业，三妻四妾枉劳神。

纵有他人来承继，异姓乱宗不是亲。

死后灵魂无依靠，凄凄切切苦飘零。

先人血食都已斩，悔不生前积善因。

今日特地来点破，速行阴鹭感天庭。

尔时众弟子等问曰：“历观世人有遭末劫者，此又何因欤？”祖师告曰：“世道沦降，人心不古，造恶愈多，受报愈烈。此不待来生始罹劫运，当其作业时，黑气上冲于天，盘结不散，以致酿成恶劫。此非天心不仁，实人之自取之也。”于是说曰：

人遭末劫为何因，只为前生绝善根。

不敬三宝徒造罪，不礼三光乱胡行。

对北呵风并骂雨，失意怨天与尤人。

不忠不孝兼不悌，无礼无义又无仁。  
杀生害命伤天理，殴尊骂长叛人伦。  
奸淫赌盗成风俗，暴虐贪残不可闻。  
乡党宗族时相毁，兄弟妯娌互纷争。  
能者恃才惟傲众，富者倚势复欺贫。  
巧言妄语助人过，损人利己罪尤深。  
暴殄天物真难恕，阴毒害人最可嗔。  
祖宗坟墓都不顾，儿女溺死惨难云。  
种种恶业如山积，黑气冲天结似云。  
日月薄蚀星辰变，阴阳乖戾祸成因。  
恶人既多酿成劫，魔鬼巡世起乱民。  
岁荒处处兵戈满，世乱年年盗贼兴。  
或是全家遭水火，或是骨肉碎刀兵。  
或是流离死道路，或是宛转受瘟刑。  
若要劫数从此免，须是人人发善心。  
一人有善一人免，一家有善一家亨。  
一方有善一方静，天下有善天下宁。  
为语世人须敬听，各自回头重善因。

尔时众弟子又问曰：“天下人民甚多，善恶不一，必谓鬼神处处巡查，日日鉴察，则为鬼神不亦劳乎？”祖师告曰：“善哉问也，凡人各有元神，著光于头顶之上。若人有一小善则其光明，大善则其光益明；若人有一微恶，则其光暗，大恶则其光遂灭。是以鬼神在虚空往来，视其光之明暗昏灭，即知其意念所起也。”于是说曰：

世人听我说原因，祸福无门召自人。  
善恶之报无或爽，譬如有影自随形。  
三台北斗在头上，视人神光暗与明。  
善心一动光逾亮，恶念初起光遂昏。  
以此定人功与罪，丝毫报应不差分。  
天曹自有三官察，地府不离五岳巡。  
依人所犯轻与重，夺其纪算不容情。  
日月星辰天上照，又有三尸在人身。  
每到庚申人睡后，将人罪恶奏分明。  
又有灶神司命主，每到晦日上天庭。  
家中老幼所为事，不敢隐瞒据实陈。  
神在暗中人不见，人有善恶神早闻。

若是人心起一恶，凶神鉴察紧跟随。  
不待事为都做出，登时簿籍记分明。  
善者直待功圆满，恶者必须罪满盈。  
那时祸福方才定，报应迟早各因人。  
为人只管行好事，莫问前程与后程。  
切莫甘心徒造业，轮回一到失人身。  
人身岂是容易得？万劫千生受苦辛。  
从此回心须向道，各自早早修来因。

尔时众弟子问曰：“今人有身享富厚，每尚奢华，其人来世何如？”祖师告曰：“凡人有福不可享尽，有财不可使尽，有势不可逞尽，总要惜福，子孙方得长久。若使徒事奢华，不肯分半济人，恐享用太尽，他日子孙必受贫贱，自己来生亦终堕落矣。”于是说曰：

来生堕落为何因，只为奢华浪使银。  
稍有馀财便妄费，分毫不肯济贫民。  
或造高堂并大厦，装饰华彩过于人。  
或好绫罗与绸缎，粗衣布服不沾身。  
或厌粗茶与淡饭，珍馐罗列也欢欣。  
或置花园与台沼，回廊曲榭耀金银。  
或爱歌童并舞妓，每夜贪欢肆逞淫。  
或是贿赂通关节，买求官职与科名。  
或为生辰与嫁娶，赌赛豪华宴众宾。  
或喜攀高附权势，交结官吏压平民。  
自己有福不知惜，那有馀荫及儿孙。  
何不将财自节用，稍分一半济饥贫。  
世人若肯听吾说，免受磨折到来生。

尔时众弟子问曰：“今人有丰衣足食，谨守本分，无所害于人，亦无所利于人，其人来世何如？”祖师告曰：“能守本分，亦是好的，但须急行方便，广积阴功，获福方大。若只坐拥多资，自图安逸，乃世间无用之人，天亦不佑，子孙亦受贫矣。”于是说曰：

世人温饱是何因，切莫吝嗇枉用心。  
虽然本分循天理，也要功德及众人。  
田宅既广毋多置，休作牛马代儿孙。  
衣食有馀便是福，休惹仇怨与亲邻。  
我见世人不知足，急急忙忙苦一生。  
朝游城市贪名利，晚到夕阳忧子孙。  
只望金银高北斗，哪知福田种在心。



人有急难不知救，人有困苦不留心。

人有哀号不肯应，人有好话不愿听。

闭门只晓家中坐，饱暖只图了一生。

此人在世真弃物，庸庸碌碌混凡尘。

虽是平生无大恶，恨无功德及贫民。

有朝福禄都享尽，无常一到命归阴。

金银财物带不去，只有恶业随其身。

那里阴司来拷问，依然罚落到来生。

纵有良田与好屋，儿孙不久卖与人。

此是天曹赏罚案，特语大众共知闻。

要问阴德如何种，举念先存为众心。

文昌帝君曾有训，阴鹭千言句句真。

果能依此行诸善，来生福报定非轻。

尔时祖师又告曰：“世间更有一等愚夫，自言不欺人，不害人，自信无过，哪知一切善恶，皆由心造，总瞒不过天地鬼神的，若不分明指破，还只道真是自己无愧了。”于是说曰：

我为愚夫说原因，休夸自己不欺人。

人生在世多有过，休说自己未害人。

若有损人利己念，便是贪谋一等人。

若有施恩望报念，便是沽名一等人。

若有记仇怀忿念，便是褊急一等人。

若有图奸谋宿念，便是邪淫一等人。

若有抬高市价念，便是奸巧一等人。

若有估人田产念，便是吞图一等人。

若有助人争讼念，便是刁唆一等人。

若有谋加租息念，便是刻毒一等人。

若有爱讨便宜念，便是欺诈一等人。

若有趋炎附势念，便是谄媚一等人。

若有嫌贫忌富念，便是刻薄一等人。

若有幸灾乐祸念，便是残忍一等人。

若有违背父母念，便是忤逆一等人。

若有轻慢师尊念，便是违叛一等人。

若有弃妻宠妾念，便是丧心一等人。

若有凌兄欺弟念，便是亏伦一等人。

若有藐视尊长念，便是犯上一等人。

若有菲薄朋友念，便是矜骄一等人。

种种恶念难尽说，阴曹簿案记分明。

世人自己扪心想，何得自夸不害人？

虽然未曾见诸事，鬼神报应不差分。

轻者疾病兼口舌，重者减寿削科名。

若要罪恶都消灭，须是回头种善因。

尔时众弟子等问曰：“今人有肆意为恶，不见报应者，其前世又何因欤？”祖师告曰：“此有三说，一是祖父尚有馀德；一是前生善缘未尽；一是今生恶业未滿，所以报应甚迟也。”于是说曰：

为恶不报又何因，都为前生有善根。

或是救世阴功大，或是济人德泽深。

或是祖父多馀庆，故能庇荫及后人。

或是今生恶未滿，故尔侥幸不犯刑。

暴戾纵横为不善，如鱼脱网得逃生。

上天不忍遽加罪，念他有功于世人。

若是翻然能改悔，还留福泽在终身。

若是作恶终不改，上干天怒罪非轻。

一切善缘都消尽，那时报应不饶人。

报应早的灾立降，报应迟的祸不轻。

天网恢恢疏不漏，今古何曾放过人？

穹苍注定岂有错，时日到了自分明。

尔时众弟子问曰：“今人皆言命苟浅薄，相或寒苦终难发达，但不知可以移否？”祖师告曰：“善哉问也，古人云：命由心造，相随心转，岂有不可改移之理？但要真心积德耳。”于是说曰：

今人命薄为何因，只为作孽在前生。

命薄自然相亦薄，五行缺陷不如人。

有的命相犯夭折，有的命相犯孤贫。

只要真心勤积善，上苍保佑总非轻。

我今——来宣说，尔等大众静听闻。

古有命相随心改，此事流传到于今。

唐时裴度本寒士，纵纹入口犯死刑。

一日香山还宝带，后为宰相享遐龄。

又有宋郊曾遇相，说他只得小功名。

一日阶前雨水涨，看见穴蚁走不赢。  
戏编竹桥把它渡，众蚁得渡遂逃生。  
后来入试文章好，高中状元第一名。  
又有席匡应饿死，蛇入口相忧在心。  
遇人谈说闺阁事，勃然作色戒他人。  
迄后逾年身无恙，官至台辅享殊荣。  
又有了凡袁学士，命该无子寿五旬。  
只因勉行功过格，遂登进士显文名。  
后生一子亦进士，暮年享寿越精神。  
又有一人闽士某，试后榜发竟无名。  
有人说他相寒苦，劝他积德挽天心。  
于是训蒙勤课读，德行文章并谆谆。  
或引古人忠孝事，或示色戒报应文。  
后来丰神都变换，果然及第冠群英。  
看来只要心田好，命相虽薄未足凭。  
以上都获现世福，何必推问到来生？

尔时众弟子问曰：“今人有生而贫贱不克享祖业者，亦有生而富贵，忽至书香不振者，此何因欤？”祖师告曰：“此等前因难以备举，总由祖父德薄，故至子孙受苦耳。”于是说曰：

今人不知前世因，悲伤寥落困风尘。  
生来贫贱虽由命，亦缘祖父少善根。  
祖父暗用伤人箭，儿孙哪得不孤贫？  
祖父惯使机关巧，儿孙安望再享荣？  
祖父屡行刻薄事，儿孙累世不能兴。  
祖父好传是非口，儿孙潦倒一无成。  
祖父享尽荣华福，儿孙落魄困终身。  
祖父骄淫多过恶，儿孙挫折岂堪矜？  
祖父残暴无仁义，儿孙叛逆惹非刑。  
祖父庸碌少修积，儿孙颓惰不如人。  
祖父贪财惟利己，儿孙赌荡罔心疼。  
祖父轻师常慢道，儿孙鲁钝少聪明。  
富贵百年难保守，无常一到家业倾。  
为语世人须省悟，莫遗祸殃与后人。

任尔算计百般巧，谁知报应在儿孙。

尔时祖师告诸众曰：“今世人不幸生于穷困之家，食不充饥，衣不蔽体，仰无以事，俯无以畜，艰难窘迫，殊可怜矣。子有四香戒，可以种德，亦可以造福，但愿有志者能体认奉行耳。”于是说曰：

今人未修前世因，投胎入舍遽遭贫。

穷愁抑郁志不展，恰如身困铁围城。

莫嗟时命终难遂，莫恨风水不如人。

但能常奉四香戒，可以种德在今生。

一要手香财不乱，二要体香不犯淫。

三要口香不逛语，四要心香不嫉人。

再于处世加忍字，无论高下总让人。

身穷只合依本分，随时方便勉力行。

要为忠孝奇男子，休作颓唐没志人。

祖宗无福我自积，祖宗无德我自勤。

眼界须同天地阔，心田留与子孙耕。

存此胸怀福方大，具斯学问气自平。

若只徒靠前人福，便是寻常齷齪人。

贫而无怨能自勉，自然福禄庆骈臻。

尔时众弟子等问曰：“今世人每遇神圣诞日，赛会演戏，聚众敛钱，日事浮华，尽皆消散，又有赏花唱曲，掷骰斗牌赌博等类，其人来世当受何报？”祖师告曰：“世人所凑银钱，皆从辛苦节俭来的，正好留下做诸利人利物等事，奈何市井利徒不是肥己，即是虚浮，大众银钱耗散，全无实在利益。此等罪孽，最干部神怒，其余赏花唱曲等类，罪亦相同，试看那为首事的，果有好报么？”于是说曰：

世人不晓积善因，祀神赛会敛钱文。

扮演梨园诸乐部，一概虚文认作真。

不演忠孝节义事，敢点邪戏乱人心。

神圣诞日宜诚敬，岂在欢呼唱戏文？

只要衣冠齐整肃，跪陈祭礼讽经文。

众户银钱岂容易？不知费尽几辛勤。

远近募化须商酌，修善修福利众人。

或塑神像妆金彩，庶令人人起敬心。

或育人材兴义学，膳田膏火助成名。

或备年荒人乏食，留积钱米救饥贫。

或备冬寒霜雪冷，留买棉衣济冻人。

或修善书与方药，兴工发刻遍传人。

有人介首为诸善，神圣欢喜愿听闻。

凡有捐资助成美，阴功簿内具注名。

可恨演戏图热闹，全无一点利益存。

借端募化神必怒，银钱耗散罪非轻。

神明正直无私照，岂肯佑尔无义人？

更有赏花排酒宴，虚华折福误一生。

叫得歌童来唱曲，何不珍馐奉二亲？

其余掷骰斗牌等，无益之事太损神。

好好光阴都错过，何不看书向善行？

至于赌博心尤险，乃是虎狼不是人。

贪谋吞噬真无厌，削除寿禄祸子孙。

我劝银钱休浪费，留积阴功与后人。

若能早把心肠换，神明断不负汝身。

今生作福来生受，古语相传确是真。

尔时众弟子等问曰：“今世人，家贫无力者甚多，必如何行善，方获福报？”祖师告曰：“善途甚广，无论贫富，俱可行之，盖富者以财，贫者以笔、以口、以力，只要发心真切，不邀名、不避怨，行之既久，自有不测效验矣。”于是说曰：

今劝世人积善因，莫推无力怨家贫。

福报路途原甚广，家贫只要此心真。

士农工商俱可积，渔樵牧笠尽能行。

车夫轿夫俱当勉，妇女儿童亦可能。

佣工乞丐都宜学，不分老少要纯心。

我今现身来说法，广开善路渡众人。

久久行之无懈怠，今生获福又来生。

笔下如何积善因，此事全在读书人。

或编济世书一卷，募众刊刻告神明。

或取良方抄数本，到处流传救病人。

或录古今报应事，维持风化正人心。

或表他人一隐德，作文宣与众知闻。

或遇人有争讼事，写书和解息纷纭。

或遇他人多口过，下笔叮咛作戒铭。

或将济人利物事，写书婉劝有钱人。

或将圣贤经传上，阐明注释每留神。

或见文体有讹谬，详加订正莫误人。

或训生徒传圣学，严立条规照例行。  
或著格言醒世俗，使人触目倍惊心。  
或遇他人有冤枉，情词恳切代伸明。  
或为风俗嫌生女，著成戒溺一篇文。  
自古儒生责任大，助天阐教要殷勤。  
果能一心行普渡，儿孙代代作公卿。  
医生救世是良因，望闻问切术粗精。  
第一察脉要详细，第二配药有君臣。  
到处开方疗疾病，随时施药寓慈仁。  
不论贫富请皆往，半积阴功半养身。  
口内如何积善因，只为方便在他人。  
或劝富人行施济，出财赈米救饥贫。  
或见少年多浪费，与言祖父甚艰辛。  
或见豪贵时感化，救贫济苦语殷勤。  
或见男子多恋色，劝他节欲免伤身。  
或见妇女爱游玩，劝勿独行惹祸临。  
或见伦常多乖舛，劝他和睦一家亲。  
或见文士品学好，劝人举荐免沉沦。  
或见他人心不善，常言果报醒迷魂。  
或见婚姻丧葬事，劝人俭朴莫奢淫。  
或见他人谈过恶，劝勿出口败声名。  
或见他人好嫖赌，良言几句劝回心。  
或见他人食牛犬，每将报应说分明。  
或见他人失产业，劝他耐守且安贫。  
或见他人贱谷米，与言农夫甚艰辛。  
或见游手好闲者，劝寻一艺好营生。  
或见他人多忿恨，劝令和顺过光阴。  
或见他人多忧闷，随时宽解莫焦心。  
一切阴功都在口，圆转如环妙在人。  
久久行之毋自怠，自然善果易圆成。  
力上如何积善因，只要真心肯济人。  
见有善事频帮助，每逢善会肯操心。

或约众人施茶粥，或邀富户济饥贫。

或替他人施衣袄，或遇水火救灾临。

或代他人肩重任，或为他人送信音。

或为好事尽心办，或为仇怨解纷争。

或遇投河拦路阻，或遇悬梁急解绳。

或能保全妇女节，或暗设法救溺婴。

或扶瞽者将桥过，或于深夜送人行。

或见屠宰劳力救，或见患难挺身行。

或人出财己出力，后来福报自平分。

一切阴功全在力，替人方便尽己心。

寒素之家宜学此，岂必钱财乃济人？

只怕人心多懒惰，半途错过此一生。

尔时祖师告诸众曰：“吾见今人弟兄不和者极多，其始或听妻子言语，其后则触父母恼怒，推原其故，皆由财利起见，甚而争斗者有之，结讼者有之，终身仇怨各不相顾者有之，直到天怒降罚，彼此同归于尽而后已。盖骨肉构难，同室操戈，天必两弃，从无独全之理也。世人何不戒哉？”于是说曰：

今世弟兄前世因，都是同胞共体人。

记得幼时相友爱，在家无刻不随行。

到得长来都有室，忘了当初手足情。

或听枕边私告状，或信旁人口是非。

或怨人多怀妒忌，或忧田少把家分。

或想吞谋祖父业，或积私房顾己身。

遂至闹嚷成仇人，手足之谊不相亲。

有等拼命齐争斗，有等结讼到公庭。

有等持刀行吓诈，有等赌咒对神明。

彼此相争无逊让，同室操戈最可嗔。

天怒两家终必弃，岂肯独全一个人？

先为逆者先自败，后为逆者后必倾。

假如父母无遗产，又将何物去分争？

假如父母多逋欠，又将何物去还人？

假如兄弟添几个，岂能独自享现成？

假如自己遭命短，岂能带去一分文？

假如妻挈家资嫁，岂能留得半毫分？

假如生子多不肖，岂能保守百年春？

世人各自扪心想，不如忍让笃天伦。  
吃亏到底天必佑，宏恢度量福骈臻。  
争的虽然多产业，后来运蹇家必倾。  
或是官非或口舌，或是丧亡或受刑。  
烟消火灭一时尽，惟能让者享荣尊。  
世人急须早看破，莫教来世结冤亲。

尔时祖师复告诸众曰：“今之富人，不外鄙吝、奢华两种，一是积财不散，犯造化成物之忌；一是将财浪费，受一世之穷。然此俱置弗论，独恨其克扣租户、欺压贫民，以致贫困者愈众，仇怨者益多。倘遇荒灾至，则盗贼起而刀兵作，世界一乱，不可救矣。那时节天怒人怨，问有一家得安享自在否？”于是说曰：

今人鄙吝为何因，只为积财遗后人。  
愈积愈久贪心炽，谋算田租太不仁！  
举世奢化为何因，只图体面遂人情。  
将财耗尽奸心起，要把田租斗斛升。  
始则加租才一户，继则加租到处行。  
相沿各省成风俗，尚嫌斗小不遂心！  
每逢岁熟秋收候，风车还要搅几轮。  
若遇年荒租短少，批银扣尽不留情。  
可怜佃户衣食缺，致令忍气又吞声。  
有的勤苦家益困，有的借贷身受贫。  
有的搬移遭困迫，有的骨肉两离分。  
若非富人行刻剥，何至佃户如此情！  
伤哉农民最辛苦，空为他人把田耕。  
一旦朝廷将粮免，免粮何幸遇皇恩？  
谁知免的皆富户，贫者佃租总不轻。  
以致岁歉饥民众，饥民众矣盗贼兴。  
刀兵仇怨俱发作，一路杀伤不容情。  
向时富户今安在？只见余尸染血腥。  
纵然仙佛来相救，救的只是积善人。  
至于富民非不救，无奈他是巧恶人。  
此是回圈真道理，世人何不早回心？  
我今再发慈悲念，露泄天机与众闻。  
文昌化书曾有训：欲回劫数正人心。  
从今大众须宽厚，同登寿域享太平。



尔时祖师告诸众曰：“吾见世人好食牛犬，以致城乡市镇杀之者益多，虽经地方官出示严禁，而私宰盗卖不知悔改。是以杀生者死无人身，其食之者亦投畜道。人奈何不知戒哉？”于是说曰：

世人听我说原因，六畜惟牛最苦辛。

春夏秋冬无正息，四时常为主人耕。

犁耙似有千斤重，农夫鞭打用黄荆。

水深泥硬拖不动，肚中无草泪淋淋。

渴时偶饮田中水，喝声快走不容停。

要深要浅随人意，或东或西转几巡。

肥田豆荚般般有，乡壤禾苗处处新。

碾米不辞身况瘁，拖柴还要力辛勤。

如此功劳何等大？可恨人心太不仁！

无端卖于牛屠户，割喉破脑并刷心。

取肚抽肠真个惨，惊动阴曹地府神。

杀牛之家登鬼篆，削除禄寿不容情。

待得杀牛恶贯满，拿至阴间受罪刑。

食牛之家均降罚，官非口舌与时瘟。

轻者连绵多疾病，重者横死并遭刑。

有朝命尽归阴府，冤魂对审见阎君。

杀牛食牛俱判罪，不容转世得人身。

或变黄犬还宿债，或变青牛食草根。

一旦冤家都撞著，惨遭屠宰受非刑。

那时问谁来解救，何不当初发善心？

至于食犬亦当戒，念它有功于主人。

时时守夜防偷盗，刻刻巡檐不暂停。

雪夜霜天恒冒冷，风晨雨夕倍惊心。

纵然老死须埋掩，何必妄从口腹吞？

试看今生受屠者，尽是前生好味人！

莫道世间无报应，终须迟早入回轮。

水牛黄牛都宜戒，免教来世结冤深。

世人谨听吾言语，生生世世享恩荣。

尔时祖师告诸众曰：“吾游观大地，见世人皆有病，此病原非汤药可疗、针灸可治，如胸腹有蛇、膏肓有鬼、痼疾沉痾，伤生促寿，虽神医不可愈也！吾由是悯之，为世人对症立方，按病下药，深费苦心劝之，宜服者八药，汝等其静听之。”于是说曰：

世人有病不知因，特立奇方妙若神。

惟劝世人须久服，莫负吾仙一片心。  
孝味甘缓性平温，能填骨髓固本根。  
培养先天多服妙，悦人颜色并延龄；  
悌味甘咸性带温，能调血气补心神。  
手足不和宜久服，上能济火下滋阴；  
忠信佳者味微辛，能通肺腑壮精神。  
虚人反复宜常服，止咳消痰治失音；  
仁义一团味甘温，宽胸益气治虚疼。  
腹内毒虫俱可化，强筋健骨又生精；  
读书味苦性微温，能通心窍治眼昏。  
腹内空虚宜早服，消除鄙气益聪明；  
教子微寒味苦辛，馨香悠久乃为真。  
能去风邪除外感，四肢血脉自调匀；  
积善味甘性缓温，宽中益气通神明。  
不拘老少皆可服，延年益髓又添精；  
知命味淡能定心，去躁除烦火自平。  
虚热不眠宜服此，夜梦魂魄亦安宁。

尔时祖师告诸众曰：“以上八味，真治病之良方也，世人不可不服，故劝之。其有宜戒者，亦八味并列于后。”于是说曰：

色味虽甘毒最深，能走精气耗元神。  
损人肌肉成痼疾，服之不已定伤生；  
暴味太烈热能升，助火动气躁难平。  
若非温缓和平济，必至发狂损害人；  
贪味似甘实苦辛，中有大毒能昏神。  
令人迷惑不知返，服之必有大患生；  
杀味有毒极酸辛，大伤元气促年龄。  
求补反削终何益，令人惑乱损真阴；  
心术味咸毒在阴，状如蛇蝎善螫人。  
此物中人人必死，切忌阴邪丧命根；  
口业味酸又带辛，其中有毒在声音。  
令人舌强兼口利，慎勿轻出反害人；  
刀笔味辣毒尤深，能黑脏腑损肺心。

胸中有物如芒刺，谨防吐出便伤人；

争讼味苦最伤心，既损皮肉又劳神。

令人狂忿添忧闷，服之不已性命倾。

尔时祖师告诸众曰：“此八味者，伤人之毒药也，世人不可不忌，故戒之。吾见有病者，正言易厌，戏言易悦，故作本草歌括以嘻笑而出之，或有听而易悦，能劝能戒，庶不负吾救世之苦心也。尔大众将此诸说刊布广传，务使人人晓悟，若有能以善书传一人者，当十善；传十人者，当百善；传大富贵、大豪杰者，当千善；捐资重刻，广布无穷者，万万善。世人果能互相劝勉，吾必将众等功德，保奏天庭，则生生世世，永获福禄无涯矣。为此特论。”